

**UGOVOR**  
**O JAVNOJ NABAVCI ROBA**  
**/Putem Direktnog sporazuma/**

Zaključen dana 25.03.2019. godine u Ilijašu između:

1. **JU OŠ „Stari Ilijaš“, ul. Bosanski put 151.,** , ID broj škole: 4201918560009  
(u daljem tekstu: **Naručilac roba**), koga zastupa Direktorica škole, **Salketić Alma, profesor**  
i
2. **„Hodžeks“ d.o.o.**, iz Ilijaša, ulica Moševačka br. 5 Podlugovi,  
(u daljem tekstu: **Dobavljač roba**) koga zastupa Hodžurda Enes, direktor

(u daljem tekstu : **Ugovorne strane**)

**Član 1.**

Predmet ovog Ugovora je javna nabavka robe za potrebe Naručioca i to:

- nabavka roba – energenti / pelet – ogrijevni materijal /

a u svemu prema Obrascu za cijenu ponude koji je sastavni dio Ponude Izvršioca radova, protoklisane pod brojem : 19-0100-000269 od 25.3.2019. godine, a koji su prilog ovog Ugovora i njegov sastavni dio. Ukupna vrijednost javne nabavke usluga iz prethodnog stava iznosi 5.982,91 KM, bez uključenog iznosa pripadajućih indirektnih poreza, odnosno PDV-a, odnosno, 7.000,00 KM sa obračunatim PDV-om.

**Član 2.**

Ovaj Ugovor se zaključuje na osnovu Izvještaja i preporuke Komisije za javne nabavke, broj: 01-III-339-4/19 od 25.03.2019. godine izdate u skladu sa Zapisnikom sa otvaranja ponuda za javnu nabavku usluga broj: 01-III-339-5/19, od 25.03.2019. za robe, energenti (ogrijevni materijal –pelet) za grijanje za Područne škole „Bioča“ i „Malešići“, pravosnažne Odluke o izboru najpovoljnijeg ponuđača, broj: 02-III-339-6/19 od 25.03.2019. godine.

**Član 3.**

Dobavljač robe se obavezuje da za potrebe Naručioca isporuči robu iz člana 1. ovog Ugovora u roku od 7 (sedam) dana od dana zaključenja ugovora. U slučaju kašnjenja do kojeg je došlo krivicom dobavljača, isti se obavezuje da će platiti ugovornu kaznu u skladu sa Zakonom o obligacionim odnosima u iznosu od 2 % Naručiocu za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti roba koje su predmet narudžbe. Izvršilac je dužan platiti ugovornu kaznu u roku od 7 dana od dana primanja zahtjeva za plaćanje od strane Naručioca roba.

**Član 4.**

Naručilac roba se obavezuje da Dobavljaču za isporučenu robu navedene u članu 1. ovog Ugovora, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama usluga datim u Obrascu za cijenu ponude, a koje su dostavljene u ponudi Dobavljača.

Ugovorne strane su saglasne da su jedinične cijene i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza, odnosno PDV-a i da su iste nepromjenljive u skladu sa Izjavom dostavljenom u ponudi Izvršioca usluga.

**Član 5.**

Naručilac robe se obavezuje da Dobavljaču za isporučenu robu navedenu u članu 1. ovog Ugovora plati novčanu naknadu u skladu sa jediničnim cijenama usluga koje su dostavljene u ponudi Uplatu po ispostavljenoj fakturi Naručilac robe će izvršiti na transakcijski račun Dobavljača.

**Član 6.**

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

**Član 7.**

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

**Član 8.**


Ovaj ugovor stupa na snagu danom potpisivanja od strane obje ugovorne strane.

**Član 10.**

Ovaj Ugovor je sačinjen u 4 (četiri) istovjetnih primjeraka od kojih 2 (dva) zadržava Naručilac radova, a 2 (dva) primjerka Izvršilac radova za svoje potrebe.



Za Ugovarača



Salketić Alma, direktorica

Ilijaš, 25.03.2019. godine  
Broj: 01-III-6/19